

BOSNA I HERCEGOVINA
FEDERACIJA BIH
KANTON SARAJEVO
OPĆINSKI SUD U SARAJEVU
Broj: 065-0-Su-21-000240
Sarajevo, 09.02.2021. godine

Općinski sud u Sarajevu, predsjednik Suda Janja Jovanović, rješavajući po obavijesti sudije Ivane Krželj od 08.02.2021. godine da su se stekli razlozi za njeno isključenje u predmetu ovog suda broj 65 0 Ps 845927 20 Ps/Mo 2, a u pravnoj stvari tužitelja „ANS DRIVE“ d.o.o. Sarajevo, Ul. Butmirska cesta br. 24, Ilidža koga zastupaju advokati Nakić Alen, Đorđe Jugović i Džemo Hadžiomerađić, advokati iz Sarajeva, protiv tuženog „SMART INVEST“ d.o.o. Sarajevo, Ul. Fra Anđela Zvizdovića br. 1 koga zastupaju punomoćnici Edin I. Hodžić, Mirza Dževdetbegović i Kenan Elezović, advokati iz Tuzle, radi utvrđenja i preuzimanja prava iz ugovora o zajedničkom ulaganju vrijednost spora 10.000.000,00 KM, donio je dana 09.02.2021. godine slijedeće:

RJEŠENJE

Zahtjev sudije Ivane Krželj, od dana 08.02.2021. godine, za isključuje od daljeg postupanja u predmetu Opštinskog suda u Sarajevu broj 65 0 Ps 845927 20 Ps i predmetu broj 65 0 Ps 845927 20 Mo 2, **se usvaja.**

Ukidaju se sve radnje koje je poduzela sudija Ivana Krželj u predmetu broj 65 0 Ps 845927 20 Ps i predmetu broj 65 0 Ps 845927 20 Mo 2

Obrazloženje

Podneskom od 08.02.2021.godine sudija Ivana Krželj je obavijestila predsjednicu Suda da je Društvo – tužitelj „ANS DRIVE“ podnio tužbu protiv nje kao uređujuće sudije. Takođe je navele da je tužba zaprimljena kod Općinskog suda u Visokom i zavedena pod broj 41 0 P 086327 21 P i da je dana 01.02.2021. godine zaprimila tužbu na odgovor. Sa tim danom, ističe sudija Krželj parnica je počela teći, te stoje razlozi za njeno isključenje u predmetu 65 0 Ps 845927 20 Ps i predmetu broj 65 0 Ps 845927 20 Mo 2 a sve u skladu sa odredbom člana 357 stav 1 tačka 4 ZPP-a. Uz obavijest sudija je priložila i dokaz o prijemu dopisa i tužbe na odgovor od 27.01.2021. godine.

Rješavajući po zahtjevu sudije Krželj, utvrđeno je da je tužitelj „ANS DRIVE“ d.o.o. Sarajevo kod Opštinskog suda u Visokom podnio tužbu protiv uređujuće sudije koja je zavedena pod brojem 41 0 P 086327 21 P, a na osnovu dostavnice, čiju kopiju je sudija uložila u spis, utvrđeno je da je sudija Krželj dana 01.02.2021.godine zaprimila tužbu radi odgovora. S hodno navedenom u skladu sa odredbom člana 60 Zakona o parničnom postupku, utvrđeno je da je parnica počela teći između tužitelja i tuženog.

Na osnovu navedenih dokaza, takođe je utvrđeno, da s obzirom da je između tužitelja u predmetu broj 65 0 Ps 845927 20 i predmetu broj 65 0 Ps 845927 20 Mo i postupajuće sudije, kao tužene počela da teče druga parnica, te da postupajuća sudija ne može više vršiti sudijsku dužnost u navedenim predmetima, radi čega se a na osnovu člana 359 stav 1 Zakona o parničnom postupku usvaja zahtjev za isključenje, a kako je to regulisano u stavu jedan dispozitiva ovog rješenja.

S obzirom da je sudija isključena od vršenja sudijske dužnost u naprijed navedenim predmetima to su u skladu sa odredbom člana 360 A ZPP-a ukinute sve radnje koje je sudija Krželj poduzimala u postupku u cilju rješavanja navedenih predmeta.

Imajući u vidu naprijed utvrđeno, to je a na osnovu člana 359. Zakona o parničnom postupku („Službene novine Federacije BiH“, br. 53/03, 73/05, 19/06 i 98/15), odlučeno kao u izreci rješenja.

PREDSJEDNIK SUDA
Janja Jovanović

POUKA: Protiv ovog Rješenja posebna žalba nije dozvoljena.